

SPEKTRUM SME HIP 1



VOLUME 1

Tahukah Anda?

Program Berimpak Tinggi 1 Perusahaan Kecil dan Sederhana (SME HIP 1): Integrasi Pendaftaran dan Pelesenan Perniagaan merupakan salah satu inisiatif di bawah **Pelan Induk PKS 2012 – 2020** yang bertujuan untuk meningkatkan kemudahan menjalankan perniagaan.


Inisiatif SME HIP 1 ini telah dimulakan dengan pembangunan **Portal Informasi Pendaftaran dan Pelesenan Perniagaan Setempat** ataupun **Portal MalaysiaBiz**. Portal ini membolehkan komuniti perniagaan dan juga orang awam mendapatkan maklumat pendaftaran dan pelesenan perniagaan. Kini, portal ini sedang dinaik taraf yang melibatkan integrasi sistem pendaftaran dan pelesenan perniagaan dalam talian yang terdapat di agensi dengan Portal MalaysiaBiz. Dengan adanya portal setempat ini, urusan pendaftaran dan pelesenan perniagaan akan dapat dilaksanakan dengan lebih cepat dan mudah. Portal MalaysiaBiz merupakan inisiatif berterusan Kerajaan bagi meningkatkan mutu penyampaian perkhidmatan kepada rakyat.

Aktiviti Projek Integrasi SME HIP 1 2018


Pasukan Projek Integrasi Sistem Pendaftaran & Pelesenan Perniagaan SME HIP 1 mengucapkan jutaan terima kasih kepada ke semua agensi yang terlibat dalam menjayakan program yang dianjurkan:

➤ Sesi Libat Urus Stakeholder Bagi Projek Integrasi SME HIP 1

Aktiviti Sesi Libat Urus telah dilaksanakan oleh Pasukan Projek bagi bulan Mac hingga November 2018, bersama agensi yang terlibat dengan Projek Integrasi SME HIP 1. Sesi Libat Urus ini akan diteruskan bersama agensi mengikut *release* yang telah ditetapkan.



Sesi Libat Urus bersama agensi iaitu Badan Pendaftar (BP) & Pihak Berkuasa Melesen (PBM)



Sesi Libat Urus Bersama Agensi


OBJEKTIF PROGRAM

- Mendapatkan maklumat permohonan pendaftaran dan pelesenan perniagaan sebelum, semasa dan selepas permohonan serta maklumat pengguna sedia ada.
- Mendapatkan maklumat status permohonan yang diguna pakai oleh agensi serta senarai pautan kepada semua borang pendaftaran dan pelesenan perniagaan.
- Mendapatkan maklumat teknikal seperti *Programming Language, Database, Web Server, Operating System, Source Code* dan sebagainya.

Sesi Libat Urus bersama BP



1. Sesi Libat Urus Bersama Suruhanjaya Koperasi Malaysia (SKM), Kuala Lumpur 16 Julai 2018



2. Sesi Libat Urus bersama Malaysian Institute of Accountants (MIA), Kuala Lumpur 23 Julai 2018



3. Sesi Libat Urus bersama Lembaga Arkitek Malaysia (LAM), Kuala Lumpur 7 September 2018

Sesi Libat Urus bersama PBM




1. Sesi Libat Urus bersama Jabatan Kemajuan Islam Malaysia (JAKIM), Putrajaya 2 Julai 2018



2. Sesi Libat Urus bersama Jabatan Keselamatan dan Kesihatan Pekerja (JKKP), Putrajaya 17 Julai 2018



3. Sesi Libat Urus bersama Dewan Bandaraya Kuala Lumpur (DBKL), Kuala Lumpur 7 Ogos 2018



4. Sesi Libat Urus bersama BLESS, Putrajaya 5 September 2018



5. Sesi Libat Urus bersama Majlis Bandaraya Pulau Pinang (MBPPP), 12 -13 September 2018

Sesi Libat Urus Stakeholder Bagi Projek Integrasi SME HIP 1: Integrasi Pendaftaran dan Pelesenan Perniagaan

OBJEKTIF :

- 1) Memaklumkan hala tuju dan status terkini projek.
- 2) Mendapatkan maklum balas dan pandangan daripada setiap agensi agar pelaksanaan projek ini dapat dilaksanakan dengan lebih lancar dan efisien.

Lokasi : Hotel Bangi - Putrajaya, Persiaran Bandar Bangi Golf Club, 43650 Bandar Baru Bangi Selangor

Tarikh : 26 September 2018

Masa : 8:30 Pagi – 5:00 Petang

Kehadiran : 38 Peserta

Ucapan Aluan Pengurus Projek

Sesi Libat Urus dimulakan dengan ucapan aluan oleh YBhg. **Datin Marshidah binti Mohammad** selaku Pengurus Projek. Beliau berharap semua agensi yang terlibat dapat mengekalkan komitmen dan kerjasama padu bagi merealisasikan Projek Integrasi SME HIP 1 selari dengan ekspektasi *Stakeholders* dan Komuniti Perniagaan.



YBhg. Datin Marshidah Binti Mohammad selaku Pengurus Projek menyampaikan ucapan aluan Sesi Libat Urus Stakeholder Projek Integrasi SME HIP 1.

Taklimat Status Pelaksanaan Projek Integrasi SME HIP 1



Taklimat oleh pihak vendor berhubung perancangan aktiviti SME HIP 1


Sesi Taklimat Status Pelaksanaan Projek Integrasi SME HIP 1 disampaikan oleh **Encik Khairul Rezza bin Ruslan**, Pengarah Projek daripada GATES IT Solution Sdn. Bhd. Input yang dikongsi adalah hala tuju, status terkini dan perancangan aktiviti Projek SME HIP 1 bagi setiap agensi terlibat. Beliau menekankan aspek pelantikan dan tanggungjawab *Task Force* di setiap agensi agar proses integrasi dapat dilaksanakan dengan lancar melalui penglibatan secara menyeluruh pihak pengurusan.

Taklimat Pelan Pengurusan Perubahan

Taklimat Pelan Pengurusan Perubahan telah disampaikan oleh **Encik Desmond Sim Honn Mun** daripada GATES IT Solution Sdn. Bhd. selaku Perunding Pengurusan Perubahan. Taklimat ini merangkumi strategi dan kaedah pengurusan perubahan yang akan diguna pakai serta perancangan aktiviti pengurusan perubahan sepanjang Projek SME HIP 1 ini dilaksanakan.



Encik Desmond Sim Honn Mun menyampaikan taklimat Pelan Pengurusan Perubahan



Peserta mengajukan soalan kepada Encik Desmond Sim Honn Mun semasa Sesi Pelan Pengurusan Perubahan

Focus Group Discussion

Fokus utama sesi ini adalah memberi peluang kepada pandangan wakil agensi yang hadir untuk menambak baik perancangan projek melalui sesi sumbang saran atau *brainstorming*.



Peserta dari MBPPP sedang membincangkan kesan pelaksanaan Projek Integrasi SME HIP 1 ke atas sistem dan bisnes mereka



Peserta dari BLESS sedang membincangkan faktor Pengurusan Sumber Manusia ke atas komitmen staff untuk terlibat sepenuhnya dalam pelaksanaan projek SME HIP 1.



Peserta dari JKKP memberikan soalan dan pandangan berkaitan kepimpinan organisasi & sejauh mana maklumat status projek diketahui oleh setiap kakitangan yang terlibat

Sesi Change Agent


Sesi *Change Agent* disambung ke sebelah petang. **Encik Desmond Sim Honn Mun** menerangkan definisi *Change Agent Network*, tugas dan peranan *Change Agent* di agensi dalam konteks pelaksanaan Projek Integrasi SME HIP 1.



Peserta fokus semasa Encik Desmond Sim Honn Mun membentangkan Skop *Change Agent*

Pada sesi ini, semua peserta dikehendaki menjawab soalan *Change Readiness Assessment* (CRA) yang telah disediakan secara dalam talian.

HASIL DAPATAN KAJIAN CHANGE READINESS ASSESSMENT



Sesi Fotografi bersama peserta Sesi Stakeholder Engagement

